



胡萝卜

根

【气味】甘，辛，微温，无毒。

【主治】下气补中，利胸膈肠胃，安五脏，令人健食，有益无损。时珍。

子

【主治】久痢。时珍。

水蕒

【释名】芹菜、水英、楚葵。

【气味】甘，平，无毒。

【主治】女子赤沃，止血养精，保血脉，益气，令人肥健嗜食。本经。去伏热，杀石药毒，捣汁服。孟诜。饮汁，去小儿暴热，大人酒后热，鼻塞身热，去头中风热，利口齿，利大小肠。藏器。治烦渴，崩中带下，五种黄病。大明。

【附方】旧一，新二。小儿吐泻芹菜切细，煮汁饮之，不拘多少。子母秘录。小便淋痛水芹菜白根者，去叶捣汁，并水和服。圣惠方。小便出血水芹捣汁，日服六七合。圣惠方。

花

【气味】苦，寒，无毒。

【主治】脉溢。苏恭。



葶

【释名】苦葶、葶葵、旱芹。

菜

【气味】甘，寒，无毒。

【主治】捣汁，洗马毒疮，并服



之。又涂蛇蝎毒及痈肿。唐本。久食，除心下烦热。主寒热鼠痿，瘰疬生疮，结核聚气，下瘀血，止霍乱。又生捣汁半升服，能杀鬼毒，即吐出。孟诜。

【附方】旧二，新一。结核气葶菜日干为末，油煎成膏。摩之，日三五度，便瘥。孟诜食疗。湿热气旱芹菜日干为末，糊丸梧子大。每服四十丸，空心温酒下。大杀百虫毒。寿域神方。蛇咬疮生葶菜汁涂之。万毕术。

紫葶

【释名】赤芹、蜀芹、楚葵、苔菜、水茴菜。

苗

【气味】酸，平，微毒。

花

【气味】酸，微温，无毒。



【主治】大人、小儿脱肛。苏颂。

【附方】旧一。脱肛凡大人、小儿脱肛，每天冷及吃冷食，即暴痢不止，肛则下脱，久疗不瘥者。春间收紫葶花二斤，曝干为散，加磁毛末七两，相和研细。涂肛上纳入，即使人喂冷水于面上，即吸入肠中。每日一涂药喂面，不过六七度即瘥矣。又以热酒半升，和散一方寸匕，空腹服之，日再服。渐加至二方寸匕，以瘥为度。若五岁以下小儿，即以半杏子许，和酒服之。忌生冷、陈仓米等物。天宝单方。

马薺

【释名】牛薺、胡芹、野茴香。

苗

【气味】甘，辛，温，无毒。

【主治】益脾胃，利胸膈，去冷气，作茹食。时珍。

子

【气味】甘，辛，温，无毒。

【主治】心腹胀满，开胃下气消食，调味用之。唐本。炒研醋服，治卒心痛，令人得睡。孟诜。温中暖脾，治反胃。时珍。

【附方】新一。慢脾惊风马薺子、丁香、白僵蚕等分，为末。每服一钱，炙橘皮煎汤下。名醒脾散。普济方。

秣香

【释名】茴香、八月珠。

